

## **Die vrug is die resultaat van die saad (25-07-2021)**

**As jy by 'n boom kom en daar hang appels aan die boom, dan weet jy uit watter saad die boom voortkom. So ook die vrugte wat ons dra. Dit het 'n oorkoms.**

**As ek na my eie lewe kyk na 'n vrug wat ek dra, byvoorbeeld "ongeduld", dan kan ek maar teruggaan in my lewe en iewers gaan ek saad van ongeduld kry. Met ander woorde, elke resultaat in my lewe is as gevolg van saad wat voorheen daar gesaai was.**

- *Wanneer ons koring oes, dan weet ons die saad wat geplant was, was koringsaad.*
- *Dit is onmoontlik om koringsaad te plant en die vrug wat voortkom is mielies.*
- *Die vrug wat ons in ons lewe voortbring, is net as gevolg van die saad wat jare terug in ons lewe gesaai was.*
- *Ons harde, of sagte hart, opvattinge van die lewe, ons moraliteit, ons geloof, ons oortuigings, ensovoorts, is die vrug van die saad wat ons hele lewe in ons harte gesaai was.*
- *Ons almal word gebore met 'n skoon hart en deur die lewe saai mense en gebeure saad in ons hart, wat later groei en vrug dra. 'n Baba is só uitgelewer aan sy omstandighede...*

### **Is dit moontlik om jou geloof te verander?**

**Galásiërs 1:14** en dat ek in die Jodedom vooruitgegaan het bo baie van my leeftyd onder my stamgenote, terwyl ek veral 'n yweraar was vir die oorleweringe van my voorvaders. <sup>15</sup> Maar toe dit God behaag het, wat my afgesonder het van die skoot van my moeder af en deur sy genade geroep het, <sup>16</sup> om sy Seun in my te openbaar, sodat ek Hom onder die heidene sou verkondig, het ek dadelik nie vlees en bloed geraadpleeg nie,

**Kollosense 2:8** Pas op dat niemand julle as 'n buit wegvoer deur die wysbegeerte en nietige misleiding nie, volgens die oorlewering van die mense, volgens die eerste beginsels van die wêreld en nie volgens Christus nie.

**Kollosense 3:1** As julle dan saam met Christus opgewek is, soek die dinge daarbo waar Christus is en aan die regterhand van God sit. <sup>2</sup> Bedink die dinge wat daarbo is, nie wat op die aarde is nie. <sup>3</sup> Want julle het gesterwe, en julle lewe is saam met Christus verborge in God. <sup>4</sup> Wanneer Christus, wat ons lewe is, geopenbaar word, dan sal julle ook saam met Hom in heerlijkheid geopenbaar word. <sup>5</sup> Maak dood dan julle lede wat op die aarde is, naamlik hoerery, onreinheid, hartstog, slegte begeertes en gierigheid, wat afgodediens is, <sup>6</sup> waardeur die toorn van God oor die kinders van die ongehoorsaamheid kom, <sup>7</sup> waarin julle ook vroeër gewandel het toe julle daarin geleef het. <sup>8</sup> Maar nou moet julle ook dit alles aflê, naamlik toorn, woede, boosheid, laster, skandelige taal uit julle mond. <sup>9</sup> Lieg nie vir mekaar nie, omdat julle die oue mens met sy werke afgelê het <sup>10</sup> en

julle jul met die nuwe mens beklee het wat vernuwe word tot kennis na die beeld van sy Skepper, 11 waar daar nie Griek en Jood, besnedene en onbesnedene, barbaar, Skith, slaaf, vryman is nie, maar Christus is alles en in almal. 12 Beklee julle dan, as uitverkorenes van God, heiliges en geliefdes, met innerlike ontferming, goedertierenheid, nederigheid, sagmoedigheid, lankmoedigheid. 13 Verdra mekaar en vergewe mekaar as die een teen die ander 'n klag het; soos Christus julle vergeef het, so moet julle ook doen. 14 En beklee julle bo dit alles met die liefde wat die band van die volmaaktheid is. 15 En laat die vrede van God, waartoe julle ook in een liggaam geroep is, in julle harte heers, en wees dankbaar. 16 Laat die woord van Christus ryklik in julle woon in alle wysheid. Leer en vermaan mekaar met psalms en lofsange en geestelike liedere, en sing in julle hart met dankbaarheid tot eer van die Here. 17 En wat julle ook al doen in woord of in daad, doen alles in die Naam van die Here Jesus en dank God die Vader deur Hom.

**Kollosense** 1:3 Ons dank die God en Vader van onse Here Jesus Christus altyd as ons vir julle bid, 4 omdat ons gehoor het van julle geloof in Christus Jesus en julle liefde tot al die heiliges, 5 vanweë die hoop wat vir julle weggelê is in die hemele, waarvan julle vroeër gehoor het deur die woord van die waarheid van die evangelie, 6 wat julle sowel as die hele wêreld bereik het; en dit dra vrug, net soos onder julle ook, van die dag af dat julle dit gehoor het en die genade van God in waarheid leer ken het;

**Galásiërs** 5:22 Maar die vrug van die Gees is liefde, blydschap, vrede, lankmoedigheid, vriendelikheid, goedheid, getrouheid, sagmoedigheid, selfbeheersing.

**1 Johannes** 5:1 Elkeen wat glo dat Jesus die Christus is, is uit God gebore; en elkeen wat die Vader liefhet, het ook die een lief wat uit Hom gebore is.

**Matthéüs** 13:18 Luister julle dan na die gelykenis van die saaiër. 19 As iemand die woord van die koninkryk hoor en nie verstaan nie, kom die Bose en roof wat in sy hart gesaai is—dit is hy by wie langs die pad gesaai is. 20 En by wie op rotsagtige plekke gesaai is—dit is hy wat die woord hoor en dit dadelik met blydschap aanneem; 21 maar hy het geen wortel in homself nie, hy is net vir 'n tyd, en as daar verdrukking en vervolging kom ter wille van die woord, struikel hy dadelik. 22 En by wie in die dorings gesaai is—dit is hy wat die woord hoor, maar die sorg van hierdie wêreld en die verleiding van die rykdom verstik die woord, en hy word onvrugbaar. 23 En by wie op die goeie grond gesaai is—dit is hy wat die woord hoor en verstaan, wat dan ook vrug dra en oplewer: die een honderd, die ander sestig—, die ander dertigvoudig.

**2 Korinthiërs** 9:6 Maar dink daaraan: Wie spaarsaamlik saai, sal ook spaarsaamlik maai; en wie volop saai, sal ook volop maai.

**Galásiërs** 6:7 Moenie dwaal nie; God laat Hom nie bespot nie; want net wat die mens saai, dit sal hy ook maai. 8 Hy wat in sy vlees saai, sal uit die vlees verderf maai; maar hy wat in die Gees saai, sal uit die Gees die ewige lewe maai. 9 En laat ons nie moeg word om goed te doen nie, want op die regte tyd sal ons maai as ons nie verslap nie.